



O Concello de Gondomar estará presente este ano no **Festival Internacional de Fotografía Emerxente de Granada PA-TA-TA** cun ha recopilación dos mellores traballos presentados á primeira edición dos Encontros de Fotografía Dixital Domingo Pío Quintas Núñez, organizados pola Concellería de Cultura en setembro de 2010. Así

, Manikarnika, Hugo Aboal, Miradas de Caracol -Álvaro Sanz-, Miguel Sanjurjo, Carlos Costas e Brunheira –fotógrafos participantes no 2010- terán a oportunidade única de mostrar o seu traballo nun dos certames de fotografía nacional con maior proxección. As fotografías destes autores, moitas relacionadas con Gondomar, proxectaranse na Plaza de la Catedral da capital granadina o vindeiro 1 de xuño.

O intercambio con outros festivais é un dos grandes atractivos dos Encontros de Fotografía Dixital Domingo Pío Quintas Núñez. Así, ao mesmo tempo que unha delegación de Gondomar presentará o seu traballo en Granada, outros participantes do Pa-ta-ta terán a oportunidade de exhibir as súas creacións na segunda edición do certame da vila condal, que se celebrará nos meses de xuño e xullo. A iniciativa incluírá exhibicións nocturnas ao aire libre, exposicións fotográficas e a celebración do primeiro maratón fotográfico de Gondomar, na noite do Corpus.

Inscripción aberta

Por outra banda, a Concellería de Cultura do Concello de Gondomar vén de publicar as bases que regulan a participación na segunda edición dos Encontros de Fotografía Dixital Domingo Pío Quintas Núñez. Os fotógrafos que desexen participar no certame, aberto tanto a profesionais como afeccionados, deberán presentar os seus traballos antes do 15 de xuño, último día de recepción de series.

Tanto as bases como o formulario de inscrición están dispoñibles na páxina web do Concello de Gondomar www.concellodegondomar.com e no Departamento de Cultura -oficina 5- nos baixos da Casa de Cultura. Máis información no 986 363 913 ou no correo cultura@concellodegondomar.com

.